

trigesimus

stellæ. uerum etiã inueteratas herinacei carnes quis possit furenti etiã si certa sit medicina: Bubonis q̄dem oculorū cinerem intra ea quibus prodigiose uitã ludificantur: acceperim. Præcipueq; febrium medicina placitis eorū renunciat. Namq; & in .xii. signa digessere eam sole trãsmeante: iterumq; luna quod totū abdicandū paucis exemplaribus docebo. Siquidem crematis tritisq; cum oleo perungi iubent. ægros: cum geminos transit sol: cristis: & auribus & unguibus gallinaceorum. Si luna rasis barbis eorū. Si uirginē alteruter hordei granis. Si sagittarum uespertilionis alis. Si leonem luna tamari cis fronde: & adiiiciunt satiuæ. Si aquarium e buxi carbonibus tritis. Ex istis cōfessa aut certe uerisimilia ponemus: sicut & lethargum olfactoriis excitari. Inter ea fortassis mustelæ testiculis inueteratis: aut iocinere usto. his quoq; pulmonē pecudis calidū circa caput adalligari putant utile. In quartanis medicina clinice prope modū nihil pollet. Quamobrē plura eorum remedia ponemus. Primumq; eū quem adalligari iubent puluerem: in quo se accipiter uolutauerit lino rutilo in linteolo. Canis nigri dentē longissimū. Pseudophecen uocant uespam: quæ singularis uolitat. Hęc sinistra manu aprehensam subnectūt. Alii uero quã quis eo anno uiderit primã. Viperæ caput abscisum in linteolo: uel cornuientis exemptū. Muris rostellum auriculasq; summas roseo panno: ipsumq; dimittunt. Lacertæ uiridis dextrum oculum effosum mox cū capite suo deciso in pellicula caprina. Scatabeus q̄ pilulas uoluit. propter hunc ægypti magna pars scarabeos inter numina colit curiosa. Appionis interpretatiōe qua colligit solis operum similitudinē huic aiali esse ad excusandos gentis suæ ritus. Sed & aliū adalligant magi cui sūt cornicula reflexa sinistra manu collectū. Tertiū qui uocatur: fullo albis guttis dissectum utriq; lacerto adalligant. Cætera sinistro. cor anguiū sinistra manu exemptum uiuētibus. Scorpionis caudæ quattuor articulos cum aculeo panno nigro: ita ut nec scorpionē dimissum: nec eū q̄ alligauerit: uideat æget triduo. post tertium circūitum id condat. Erucam in linteolo ter lino circumdant totidē modis ad singulos dicentes: quare faciant: qui medebūt. Limacē in pelliculã uel quattuor limacum capita præcisa harundine. Multipedã lana iuolutã. Vermiculos ex quibus tabani fiūt: ante q̄ pennas germinēt. Alios e spinosis frutetis lanuginosos. Quidã ex illis quaternos inclusos iuglandis nucis putemine adalligant. Cochleasq; quæ nudæ inueniuntur. Stellionē inclusum capsulis subiiciunt: capiti. & sub diceflu febris emittunt. Deuorari autē iubent cor mergi marini sine sero exemptum: inueteratūq; conteri: & in calida aqua bibi. Corda hirundinū cū melle. Alii simū drachma una in lactis caprini: uel ouilli: uel passo cyathis tribus ante accessiones. Sunt qui totas censeat deuoradas. Aspidis cutã pondere sexta parte denarii cū pipere pari modo parthorū gentes in remediū quartanæ bibunt. Chrysippus philosophus tradidit phryganion adalligatū remedio esse quartanis. Quod eēt animal: nec ille descripsit: nec nos inuenimus qui nouisset. Demonstrandū tamen fuit a tam graui autore dictū: si cuiusquã cura efficacior esset ad inquitendū. Cornicis carnes esse: & nidū illinire in longissimis morbis utilissimū putant. Et in tertianis fiat potestas experiendi quoniam miseria copia spei deiecta: ane aranei quem lycum uocant tela: cū ipso specu toto resina cæraq; imposita utrisq; temporibus & fronti proffit. Aut ipse calamo adalligatus qualiter & aliis febribus prodesse traditur. Itē lacerta uiridis adalligata uiua in eo uase quo cibū capiat. Quo genere & reciduas frequēter abigi affirmat. Hydropicis oesypum ex uino addita mirra modice potui datur nucis auellanæ magnitudine. Aliq; addunt & anserinum adipem & oleum myrteum. Sordes ab uberibus ouium eundē effectū habent. Item carnes inueteratæ herinacei sumptæ. Vomitus quoq; canū illitus uentri aquã trahere promittitur. Igni sacro medetur oesypum cum pompholyde & rosaceo. Ricini sanguis. uermes terreni e aceto illiti. Gryllus contritus in manibus. Quo genere p̄stat: ut qui id fecerit antequã incipiat uitiū: toto eo anno careat. Oportet autem eum ferro cū terra: cauernæ suæ tolli. Adeps anseris. Viperæ caput aridū asseruatum & cōbustum: dein ex aceto impositum. Senectus serpentium ex aqua illita a balneo cū bitumine & seuo agnino. Carbunculus fimo colūbino deletur per se illito: uel cū lini semine ex aceto mulso. Itē apibus quæ in melle sunt imortuæ impositis. polentaq; iposita inspersa. Si in uerendis sitis cæterisq; ibi ulceribus occurrit e melle oesypum cū plūbi squamis. Itē fimum pecudū incipientibus carbunculis. Tubera & quæcunq; molliri opus sit efficacissime anserino adipe curantur. Idē præstat & gruū adeps. Furunculis mederi dicitur araneus si priusquã nominetur sit ipositus & tertia die solutus. Mus araneus pendēs enecatus sic terrã nec postea attingat: ter circumdatus furūculo toties expuētibus medente & cui medebitur. Ex gallinaceo fimo quod est rusū maxime recens illitū ex aceto. Vētriculus ciconiæ decoctus. Muscæ impari numero infricatæ digyto medico. Sordes ex pecudū auriculis. Seuum ouium uetus cum cinere e capillis mulierū. Seuum arietis cū cinere punici & salis pari pōder. Ambustis capitem canis cinis medetur. Itē gliuū cum oleo. Fimum ouium cum cæra cōmixtū. Murium cinis & cochleæ. Eoq; sic ut ne cicatrix quidē appareat. Itē adeps uiperinus. Fimi columbini cinis ex oleo illitus cyprino. Neruorū nodis medetur capitis uiperini cinis ex oleo cyprino illitus.

Eius erit
copia
spei de-
tecto

Pumi-
cis